



Ola Lundemo
Bakkalykkja 21

2651 ØSTRE GAUSDAL

SAKSHANDSAMAR: BJØRN DALEN

ARKIVKODE: 2014/747 -

DATO: 31.01.2014

Delegert vedtak

Delegasjonssak	DS 19/14
----------------	----------

DELEGERT SAK - TILLATELSE TIL BRUK AV BÅT MED MOTOR UNDER FISKE PÅ LUNDADALSVATNET.

I medhald av brev frå Miljøverndepartementet datert 17.02.2012 har Breheimen nasjonalparkstyre i styremøte 11.02.2013, sak 32/2013, gjort vedtak om å delegere handsaming av einskilde saker til nasjonalparkforvaltaren. Vedtaket gjev nasjonalparkforvaltarane i Breheimen myndigheit til å treffe vedtak i saker som gjeld dei spesifiserte dispensasjonsreglane om ferdsel i verneforskriftene for verneområda i Breheimen, slik som i denne saka:

I samsvar med delegasjonsfullmakt vedtek nasjonalparkforvaltaren med heimel i § 3, pkt. 6.3 bokstav n i verneforskrift dagsett 7. august 2009 for Breheimen nasjonalpark, å gje Ola Lundemo, Østre Gausdal løyve til bruk av båt med motor til fiske på Lundadalsvatnet . Vi viser til saka med vedtak og vilkår i dette brevet.

Dokument i saka: Søknad frå Ola Lundemo, dagsett 28.01.2014.

Søknaden vert vurdert i samsvar med:

1. Forskrift for Breheimen nasjonalpark, dagsett 7.august 2009.
2. Naturmangfaldlova, dagsett 19, juni 2009 nr.100.

Søknaden

I søknad datert 28. januar 2014 søker Ola Lundemo om løyve til å bruke båt med motor på Lundadalsvatnet under fiske.

Verneforskrift, verneformål og framlegg til forvaltningsplan

Omsynet til verneverdiane i området er vurdert, særleg i forhold til landskap, dyreliv og friluftsliv, jf. verneforskrifta § 2 og naturmangfaldlova §§ 1(Formål), 4 og 5 (forvaltningsmål for naturtypar, økosystem og artar) samt § 7(prinsipp for å ta offentleg avgjerd), jf. § § 8-12 (kunnskapsgrunnlaget og miljørettslege prinsipp). Formålet med Breheimen nasjonalpark er å ta vare på eit stort, samanhengande og villmarksprega naturområde som inneheld særeigne, representative økosystem og landskap utan tyngre inngrep. Etter verneforskrift for Breheimen nasjonalpark, er motorferdsel på land, på vatn og i lufta under 300 m frå bakken forbode (verneforskriftene § 3 pkt. 6.1), med unntak gjeve i pkt. 6.2 og 6.3. Tiltaket vil omfatte motorferdsel i nasjonalparken. Forvaltningsmyndet kan gje løyve til m.a:

"bruk av båt med motor inntil 10 hk på Lundadalsvatnet i samband med fiske, organisert tilsyn med beitedyr, transport i samband med villreinjakt samt transport av varer og utstyr til Trulsbu" (§ 3 pkt. 6.3 bokstav n i verneforskrifta for Breheimen nasjonalpark).

Vurdering

Lundadalsvatnet ligg 1149 moh, og er 5,5 km langt. Det er 5 timar gange inn til vatnet frå bilveg. Ved utløpsosen på vatnet ligg det ein konsentrasjon av 8-10 hytter(fiskebuer) og i tillegg nokre naust. Vatnet ligg i ein u-dal omkransa av eit ti-tals fjelltoppar over 2000 meter. Rundt vatnet er området prega av fjellkjørr og lav, og dalen har og mange merke etter den vesle istida med morenar og brefar. I dalbotnen er det ein del einer som før vernet var brukt til ved i fiskebuene som ligg samla ved utløpsosen av vatnet. Einen var før vernetidspunktet brukt mykje til ved. Villreinen brukar området til ein viss grad. Villreinbukk trekker langs vatnet sporadisk.

Nasjonalparkforvaltaren vurderer saka bl.a. ut ifrå kongeleg resolusjon om bruk av båt med motor på Lundadalsvatnet. Det vart akseptert at tradisjonen for ein viss bruk av båt med motor til fiske, under villreinjakt og ved tilsyn med beitedyr på/rundt Lundadalsvatnet kunne fortsetja etter vernetidspunktet. Det vart derfor i verneforskrifta opna for bruk av motorbåt på Lundadalsvatnet, blant anna på grunn av dei tidvise vanskelege værtilhøve som er på fjellvatnet. Det skal søkast forvaltningsmyndet om løyve og kvar søknad skal vurderast. Omfanget av motorferdsel skal haldast på eit så lågt nivå som mogleg av omsyn til samla belastning på naturmiljøet og av omsyn til friluftslivet. Fråvær av motorstøy er ein viktig kvalitet i utmark og motorferdsel kan i tillegg vera uheldig for fugle-/dyrelivet. Målet er å halde omfanget av motorferdsel så lågt som mogleg å avgrense det til det som er nødvendig. Motorferdsel på land og på vatn er derfor i utgangspunktet forbode i nasjonalparken.

Søknaden må også vurderast etter prinsippa i naturmangfaldlova §§ 8 – 12. jf. § 7.

Lundadalsvatnet ligg 5 timars gange frå bilveg og plassert langt inne i nasjonalparken. Området er svært lite prega av inngrep. Når det gjeld dyrelivet så er det registret liten aktivitet i og rundt vatnet. På Hålsånd er det registrert bl.a. Sandlo.

Nasjonalparkforvaltaren meiner at det er tilstrekkeleg kunnskap om området og konsekvensane av tiltaket. Det er fleire rapportar om villreinens bruk av området (NINA-rap.), Viltbiologiske undersøkingar Felt 2 (Ø.Mølmen), KU-rapportar for vern av Breheimen og Naturbasen, slik at tilgang på ny kunnskap ikkje er nødvendig (nml. §8). Sekretariatet ser ikkje føre-var-prinsippet som relevante i denne samanhengen, men det er behov for å knyte vilkår til vedtaket (nml. §9). Påverknaden skal vurderast ut ifrå den samla belastninga som økosystemet blir utsett for. Nasjonalparkforvaltaren kan ikkje sjå at dette tiltaket, saman med dei andre dispensasjonane som er gjevne, på Lundadalsvatnet samla sett vil føre til uheldig belastning. Føresetnaden er at vilkåra som sekretariatet kjem med forslag om i saka blir følgde (nml. §10). Bruken av motor er sterkt avgrensa gjennom verneforskrifta. Derfor er risikoen for at det oppstår skade svært liten (nml. §11). Bruk av motorbåt er praktisk, men fyrst og fremst viktig for tryggleiken. Det blir sett vilkår om motorstyrke og maksimum fart som fell saman med fart under grensa for at båten kan planen (nml 12).

Nasjonalparkforvaltaren meiner at det kan gjevast løyve til tiltaket, med vilkår, jf. kap. 3.8.1 om "*Motorbåt på Lundadalsvatnet*" i framlegg til forvaltningsplan for Breheimen nasjonalpark av 5. desember 2012.

Det blir ikkje gjeve løyve for meir enn eit år. Forvaltningsplanen er under arbeid og i samband med den kan det vurderast om det skal gjevast fleirårige løyve, avgrensa til den enkelte styreperiode, maksimum 4 år.

Vedtak

I samsvar med delegasjonsfullmakt vedtek nasjonalparkforvaltaren med heimel i § 3, pkt. 6.3 bokstav n i verneforskrift dagsett 7. august 2009 for Breheimen nasjonalpark, å gje Ola Lundemo, Østre Gausdal, løyve til bruk av båt med motor på Lundadalsvatnet. Vedtaket blir gjort med dispensasjon frå verneforskrifta § 3 pkt. 6.1 om forbod mot motorferdsel innanfor nasjonalparken. Bruken av båt med motor gjeld under fiske.

Vilkår

1. Dispensasjonen er personleg, dvs. at tiltakshavar må vere med i båten.
2. Løyvet gjeld for året 2014.
3. Maksimal motorstyrke er inntil 10 hk.
4. Høgste lovlege fart er 8 knop.
5. Under køyringa skal det takast omsyn til naturmiljø (særleg dyreliv) og friluftsliv.
6. Rapport om talet på turar skal sendast forvaltningsmyndet innan 15. desember 2014.

Dette løyvet vedkjem naturmangfaldlova med verneforskrift og ikkje i samband med motorferdselslova med eigen forskrift, og anna lovverk. Det må søkast kommunen og grunneigar om løyve etter anna lovverk.

Klage

Vedtaket kan klagast inn for Miljøverndepartementet av partar i saka eller andre som har rettsleg klageinteresse med ein frist på 3 veker jf. forvaltningslova § 28. Ei eventuell klage skal rettast til Miljøverndepartementet, men sendast til Breheimen nasjonalparkstyre.

Med helsing

Bjørn Dalen
nasjonalparkforvaltar

Brevet er godkjent elektronisk og har difor inga underskrift.

Kopi pr. e-post til:

Miljødirektoratet	Postboks 5672 Sluppen	7485	TRONDHEIM
Øyvind Angard			
Skjåk kommune		2690	Skjåk
Fylkesmannen i Oppland	Postboks 987	2626	LILLEHAMMER
Skjåk Almenning		2690	SKJÅK